

आसाम एन आर सिनि फारिलाइआ जोबथा नडा

गुवाहाटी, 11 डिसेम्बर : आसाम एनआरसिनि कअर्डिनेटर हितेश शर्माय गुवाहाटी हाइकर्ट नो लिरनाय 3 डिसेम्बरनि हलफनामायाव फोरमायदोंदि, थानाय बोसोरनि 31 आगस्ट आव फेनाय एनआरसिनि फारिलाइआ जोबथा नडा। बेयो रोखा फारिलाइ। नाथाय बेवहाय थाफादेरनाय गासै 4,800 गुन गैयै सुबुंफोरनि मुंखौ डिलेट खालामनो बिथोन होनाय जादों। शर्माय हाइकर्ट नो हलफनामाया फोरमायदोंदि, एनआरसिनि रोखा फारिलाइआव 10 रोजानिफ्राय बांसिन सुबुंफोरनि मुंखौ जेना गोनं नेमखान्थिजों सरजाबनाय जादों एबा बरनाय जादों। थानाय बोसोरनि आगस्ट दानआव सुप्रिम कर्टनि नोजोर होनायाव फोसावनाय एनआरसिनि फारिलाइयाव 19 लाख सुबुंफोरखौ बाइजोआव खालामदोंमोन। आसामआ एनआरसिनि कअर्डिनेटर हितेश शर्माय गुवाहाटी हाइ कर्टनिफ्राय बुंदोंदि, भारतनि रेजिस्टार जेनेरेलिनफ्राय एनआरसिनि जोबथा फारिलाइखौ फोसावदि खालामनाया आथिखालाव आद्रा दड।



गुवाहाटी हाइकर्टनो लिरनाय 3 डिसेम्बरनि हलफनामाआव एनआरसिनि कअर्डिनेटर हितेश शर्माया बुंदोंदि, रेजिस्टार जेनेरेल अफ इन्डियाआ जोबथा फारिलाइनि फोसावदिनि सायाव जेबो बुडखै। 31 आगस्ट 2019 आव फेनाय फारिलाइआव बियो बुंदोंदि, बेयो मोनसे रोखा एनआरसिसिमोन।

मख'नो गोनान्दि,

थानाय बोसोरनि आगस्टआव सुप्रिम कर्टनि नोजोर होनायाव फोसावनाय एनआरसिनि फारिलाइआव 19 लाख सुबुंफोरखौ बाइजोआव खालामदोंमोन। फारिलाइयाव गासै 5.30 लाख हिन्दु आरो 11 लाखनिफ्राय बांसिन मुसलमानफोर दंफादेरोमोन। एनआरसिनि थाखाय गासै 3.3 कौटि आर'ज गाबनाय राइज्यो सरकारआ मोन्दोंमोन।

भारतीय सान्थिआ लोगोसेयै चीन आरो पाकिस्तानजों दावहानांनो थियारि खालामदों



गोदान दिल्ली, 11 डिसेम्बर : सान्जा लाहाखयाव चीनजों जेना सोमजिनायखौ नोजोर होनाय भारतीय सान्थिआ लोगोसेयै चीन आरो पाकिस्तानजों दावहानांनो थियारिफोर खालामनायनि सायाव सावरायलायदों। मोनैबो हान्जाजों दावहानांनो थाखाय सान्थिआ दरनैबो हादतफोरनि हेंथायै लोगोसेयै दावहानांनयनि नेमखान्थिखौ सोलायनो थांखि लादों।

भारतीय सान्थिफोर पाकिस्तान सिमनायाव गोखों आरो सांग्रां जानाने थादों। नाथाय एलअसियाव सांग्रां जानाने थायाखै। बेनि थाखायनो सान्थि अभियान खालामनाया सोनाबयारि सिमनायाव बांसिन जायो।

सरकारि सुलुंनि बादिब्ला, आथिखालनि जेना गोनं थासाखौ नोजोर होनाय सिमनायाव माखासे उफ्रा सान्थि हान्जा आरो गोदान दावहा

करखौ थिसननांगोनि गोनान्दि गैया। थिसन जानाय सान्थिफोरनि गेजेराव सोलाय सोल' खालामनायजों लोगोसे चीन आरो पाकिस्तानजों दावहानांनो हागोन। सान्थि मावख'याव बेजों सोमोन्दोयाव गुबुन गुबुन थांखि लानायनि सायाव सावरायनाय जादों। एलएसिस सायाव उफ्रा थियारिफोरनि गोनान्थिखौ नोजोर होनाय गुबुन गुबुन सान्थि कामान्दारफोरनि सुबुरुन होनायनि सायावबो सावरायनाय जागोन। पि एल एजों जेनाखौ नोजोर होनाय भुपालनि 21 दावहारु कर, मथुरा आरो आम्बालानि खरगा कर सान्थि हान्जाखौ चीनजों नांजावनाय सोनाब गेजेर आरो सा सिमनायाव थिसननाय जादों।

इ-निलाम हवाफारि
जानुवारी आरो फेब्रुवारी 2021 दानि माखय इ-निलाम हवाफारिनि नि जावय आरो फाडु डिपटनि सिखाय गासोनेने देनाय सुप्र-वेयर फनाननि माखय 08-01-2021, 15-01-2021, 22-01-2021, 29-01-2021, 05-02-2021, 12-02-2021, 18-02-2021 आरो 25-02-2021 अक्टफिरस जागोनो मोन। गोसै मुदु किलायसाफोरखौ रेकट्रेस ट्रेनि आरो अ-निलामआव बाहोने लाने थाखाय IREPS वेबसाइट www.ireps.gov.in नि गेजेरजों बाहोने लाने थाकायनय।
वि. बडु. सि. एम. एम. / यानु
नर्थइष्ट प्रन्टियार रेलवे
मिम्सलुनायजों ग्राहकफेरनि सिंथिआय

बिजेपि आफादगिरि जेपी नडुनि गारियाव गाग्लोबनाय जादों

गोदान दिल्ली, 11 डिसेम्बर : बिजेपिनि माहारियारि आफादगिरि जेपी नडुनि गारि सायाव सोनाब बंगनि 24 परगनायाव अन्थाय खुबैनाय जाथायखौ मिरुआ गोथौयै लादों। बे जाथायनि केसयाव नख'रारि मावख'आ सोनाब बंगनि चीफ सेक्रेटारि आरो डिजिपिखौ सासपेन्ड खालामनाय जादों। गुबुन फार्सिथिजाय सोनाब बंगनि राइज्यो बेंगिरि जगदीश धनखडुआ नडुनि गारियाव गाग्लोबनायखौ लानाने मिरुनो गांसे रिपटखौबो दैथाय हरदों। बिजेपिआ बे जाथायनि थाखाय तुणमुलनि मावसुमाफोरखौ दाय जाबसिनदों। अमित शाहआ नडुनि गारि सायाव गाग्लोबनायनि माखासे घन्टा उनावनो राइज्यो बेंगिरिनाव थासारिनि फुरा रिपट खौ



बिहरदोंमोन। बियो बे गाग्लोबनायखौ आगुयावनो थि खालाम खानाय हिंसायारि जाथाय फोरमायदोंमोन। बे गाग्लोबनायाव माखासे दैदेनगिरिफोरा जोखोमबो जादों

आरो माखासे गारिफोरा ख'हा जादों। गाग्लोबनायनि मोनसे बिडियखौबो नुनो मोननाय जादों। मोनसे गारियाव नुनो मोननाय जादोंदि अन्थाया कारनि सिटयाव गोग्लैना दं आरो

गारिनि ग्लासआ बायदों। मिरु मन्थि आरो बिजेपि दैदेनगिरि प्रकाश जावडेकरआ बुंदों बिजेपिनि माहारियारि आफादगिरिनि गारियाव गाग्लोबनाया सांखारि जाथाय

दिल्ली एन सि आरआव गोबां अखा हानो हागौ

गोदान दिल्ली, 11 डिसेम्बर : दिल्ली एनसिआरआव एसे जोमैआ साग्लोबसारनानै दड। बेवहाय थानाय 24 घन्टायाव अखा खोरमनायजों लोगोसे अखा हानो हागौ। बोथोर बिफाननि बायदिब्ला दिने अखोंमआव जोमैआ साग्लोबसारनानै थादों। बेजों दिल्लीनि माखासे ओन्सोलफोराव अखा हानो हागौ। हरनि समाव अखा खोरमनायजों लोगोसे सारअन्थाइबो गावनो हागौ। 12 डिसेम्बरआवबो एसे अखा हानायनि आसा दड।

बेनि उनाव 13 डिसेम्बरआव अखोंमाया जोमै गैयै जागोन, नाथाय बे सानयाव फुं आव खुवा खुंगोनखौबो हमदाना लानाय जादों। 14 डिसेम्बरनिफ्राय गुसुआ बांनो हागौ आरो मिनिमाम बिदुंआ 9 एबा 8



डिग्री सेलसियासआव सौहैनो हागौ। मख'नो गोनान्दि

बृहस्पतिबाराव मिनिमाम बिदुंखौ 10.9 डिग्री

सेलसियास थिसननाय जादों, जाय सरासन्मानिफ्राय 2 डिग्री

बांसिन जादों। बेनि सिगांनो बोथोर बिफानआ फोरमायदोंमोनदि फेनो गोनं नै सानाव दिल्लीनि माखासे ओन्सोलफोराव एसे अखा हानो हागौ। बेजों बांसिन बिदुंआव एसे दावखलायगोन। 13 डिसेम्बरनिफ्राय बोथोरआव सोलायनाया जागोन आरो गुसुआ बांनो हागौ। दिल्लीआव थानाय 2-3 सानफोरनिफ्राय बांसिन बिदुंआ 28 डिग्री सेलसियासनिफ्राय बांसिन जादों। सानसे सिगां बांसिन बिदुंआ 29 डिग्री सेलसियासआव सौहैदोंमोन। बृहस्पतिबारावआवबो बांसिन बिदुंखौ सरासन्मायै 4 डिग्री बांसिन 28.3 डिग्री सेलसियास थिसननाय जादों। बेजों सानआव गुसुनि गोहोमआव गोग्लैयाखै।

जेइइ मेन्स आरो नीटनि आन्जादया बोसोर सेयाव खनब्रै जानो हागौ

गोदान दिल्ली, 12 डिसेम्बर : मिरु सोलौंथाय मन्थि रमेश पखरियाल निशंकआ बृहस्पतिबाराव फरायसाफोरजों सावराय लायनाय फोरमायदोंदि, जेइइ मेन्सनि आन्जादखौ 2021 याव खनब्रै खुनो हागौ। बेखौ लानाने गारिसिबोनिफ्रायबो सुबुरुन लानाय जादों। थाबेनो बेनि खौंखौ होनाय जागोन। जुदि बेबादि जामरोब्ला गिबि आन्जादया फेबुवारीनि जोबथायाव जागोन, गुबुन मोन 3 आन्जादया मार्च, एप्रिल आरो मे दानाव जागोन। बे आन्जादफोरनि थाखाय 3-4 सानसिमनि सम होनाय जागोन। मिरु मन्थि निशंकआ बृहस्पतिबाराव दुइटार आरो फेसबुकनि गेजेरजों बर्डआ लोगोसे जेइइ नीट बादि आन्जादखौ लानाने फ रायसाफोर जो सावरायलायदोंमोन। बे समाव फरायसाफोरा मिरु मन्थिनाव जेइइ मेन्स आन्जादखौ खननैनिफ्राय बांसिन खालाम होनो सुबुरुन होदोंमोन, जायनि सायाव बियो खौरां होदों। फरायसाफोरा बे समाव जेइइ मेन्स आरो नीटनि फरा-

फारिखौ खम खालामनोबो सुबुरुन होदों, जायनि सायाव बियो बुंदों सिबिएसइआ करना खेफोदखौ नोजोर होनाय गावनि फराफारिखौ 30 जौखोन्दो खम खालामदों। नाथाय हादतयाव आरोबाव माखासे सोलौंथाय बर्ड दंबावयो, जायफोर गावनि फरा-फारिखौ सोलायाखै। बेखौ लानाने राइज्योजों लोगोसे सावरायलायनाय जागोन।



अनलाइन सोलौंथाय लानाय फरायसाफोरनो लेपटप आरो टेबलेटखौ रान्ना होनो हागौ



गोदान दिल्ली, 11 डिसेम्बर : अनलाइन सोलौंथायखौ गारिसिबो सुबुंफोरनिमिम जगायना होनायखौ संदानो थाखाय सरकारनिफ्राय दाफुं जानाय मन्थिफोरनि हान्जाआ सरकारनो सुबुरुन होदोंदि,

गारिसिबो फरायसाफोरखौ बेजों सरजाबनो थाखाय बिसेरनो लेपटप, टेबलेट बादि इलेक्ट्रिक्स जोन्थोरखौ रान्नाय होनांगौ। सरकारि आरो फसंथानजों सोमोन्दो थानाय स्कुलफोराव सोलौंथाय लानाय फरायसाफोरनो बेबादि सुबिदाखौ होनांगौ। बेजों लोगोसेनो अनलाइन सोलौंथायखौ गोखों खालामनो थाखाय माहारियारि थाखे सायाव मोनसे एजुकेसन टेक्नलजी फरामखौबो दाफुंनो सुबुरुन होदों। मिरु पेट्रिलियाम मन्थि धर्मेन्द्र प्रधाननि सामलायनायाव इ-एजुकेसनखौ गोखों खालामनो थाखाय दाफुंनय मन्थिफोरनि हान्जाया आथिखालाव बेजों सोमोन्दो थाखाय माखासे सुबुरुन होदों। मन्थिफोरनि बे हान्जायाव मिरु पेट्रिलियाम मन्थि प्रधाननि अनगायै अर्जुन राम मेघवाल, राव इन्द्रजित सिं आरो सन्जय धोत्रेया बाहागो लादोंमोन। मन्थिफोरनि हान्जाया बे समाव स्कुलफोरा बन्द थानायजों लेबनि हाबाफारि मावनाय जायैआव सेलेन्स जानायखौ बुजिदों आरो बेनि सायाव हाबाफारि मावदों। बेनि गेजेरजों हान्जाया भावुंएल लेबनि सुबुरुन होनायखौ आजावना लानायनि बोसोन होदों।

Notification

Dated Dispur, 10th December, 2020

No. SEC146/2019/Pt/176: On the basis of report submitted by the Sub-Divisional Officer Gossaigaon and Returning Officer of No.3 -Srinmpur (Non ST) BTC Constituency, vide No. GEL/ BTC-13/2015/17 dated 10.12.2020 amd taking all material circumstances into account, the election held on 10.12.2020 in the following polling station of No. 3 Srinmpur (Non-ST) BTC Constituency is hereby declared to be void and cancelled. The State Election Commission, therefore, declares fresh poll in the following Polling Station in view of the circumstances stated above. The fresh poll shall be taken between 7:30 AM and 4:30 PM on 11th December, 2020.

Sl.No.	Name of BTC Constituency	Name of Polling Station
1	No. 3-Srinmpur (Non-ST)	No. 36-Srinmpur High School (RS)

This is issued in exercise of powers under Rule 34 of the Bodoland Territorial Council (Election) Rules 2004.

Sd/-
State Election Commissioner, Assam
JANASANYOG/D/8146/20
Dispur:- Guwahati-6.

जिउनि दिडा

आंनि खर'सायाव थ णाय हरै मारुआव,
थाडो आं गोजोन लानो जिउनि मेंरोम बेलारोम बुब्बियाव,
हिमालयनि बै गोजोन सुडेम रंजाथिलिआव;
मेंनाय जिउनि डिडाखौ गोजोनगलाइ होनो-
थोर-थोर बोथोर जिउ डिडाखौ खाफ्रानो।
हिमालय हाजोनि हरै मारुआव गिखंथाव महरै,
दड नेनानै आंनि लरहाइनाय जिउ डिडाखौ
लोगो हमनो बरफनि आइलि जाइलि गुथाला।
हुम हुम बारनि गुथाला सोगोमदों हास्रिखाव हास्रिखाव,
हिमालय हाजोनि बै गोजोन सुडेम रंजाथिलियाव;
आंनि मेंरोम जिउ डिडाखौ लांफानो लोगोआव।
अन्थाइ बिखा-बार आरो बरफ बेफोरखौ नोंसोर मानो ???
आंनि रंग'लांहां जिउ डिडाखौ खोमसि बुब्बिआव !
हने हिमालयनि गोजौ हाजो थिखिनिया,
गोमलैनोसै आंनि जिउ डिडा लारोमसालिआव;
बरफ आरो बारनि गोरा गोरा गुथालनि दोहौजों।
हिमालयनि गोरा गोरा लहानि खुथियाव,
गुबुबाय रंखिनि बरफ आरो बारनि हिंसायाव,
हिमालय सानि गोजोन स'नानि जिडाइसालिया;
गैइला बिसोरनि दुथां आखुनि थाखाय मुलुग संसाराव।
आगोमा आंनि मेंरोम जिउ डिडाखौ जोबथा बुब्बिआ
थाबाय बेसेबा गेदेर हिमालय हाजोनि सिडव जिउ सोलेर।

मुसि लक्ष्मण नाजरी
ला:सो: नेहरु बाजार
जिल्ला - चिरां

सिनायै अनजालि

हाय अनजालि! जाखो नों बबेनि ?
मिथियाखिसै आं नोंनि थं
थेवबो नोंनि फंसे रायदावलांनाय
रावआ आंखौ सिमब्रेलाडे।
नोंनि समायना गलाब राणी महरा
आंखौ खालामबाय हालाय-हाफाय,
नोंनि हायनारि गावदां महरा
गेलेफैबाय खनले-खनले गोबों दरखंआव।
आनदाय होबाय नों आंखौ
बारसेल' गलाब बिबारनि बागानाव,
नोंनि समायना महरनि हायना सारफावनायाव।
खारफा नांबाय नोंजों उन-उन
थेवबो मोनाखिसै आं नोंनि थं,
गोबोंआव' गालांबाय नोंनि
समायना गलाब राणी महरा।

मुसि सन्तष रामचियारी
गामि - खारुवा (बिलपार)
ला:सो: - खारुवा
जिला - बागसा

गोसो थोनाय

आय' हाबाब गोसो थोनाय।
मा एसेबां गोदै मा एसेबां मुजिथाव
मा जिराद बेलाइ ?
बेनो नामा गोसो थोनाया ?
बेनो नामा मायानि जेआ ?
सोर अबंलावरिया जोनोम होया ?
बे अन्नाय मोजां मोनाइ आरो गोसो
थोनायखौ
सानथाय खैमोनदि आं -
गोसो थोनाया बेबाइदि
सानसे रजेखौ नुयाब्ला।
सानसे रजेखौ लोगो हमनो मोनाब्ला
सानसे रजेजों मोजां गात्रि
बाश्रा राइज्जलायनो मोनाब्ला।
गोबों -गोसोआ गोजोन गैथारा।
आरोबाव गोजोन गैबावया
रजेखौ नुनानै आरो रजेजों राइज्जलाइनै,
लुबैलिया थानानै थानो रजे गैयाब्ला।
नांवावगौ बेनिप्राइ....बाइदि बाइदि.
गुबुनजों दाजाथों मोजां मोनाया आंनि
रावनोबो दा बिलाइ हरथों आंनि रजेखौ,
अबंलावरिनाव आर'ज गाबो आं।
अबंलावरिनाव बोर बियो आं।
मोजां मोनाइया आंनि फेलें थंड जाहाते
बे जोनोमाव नों रजेखौनो आं मोनथारथों
नों र'जेखौनो मोनथारथों
आय' हाबाब गोसो थोनाय।

थमास बसुमतारि
गामि- कसुगाव

सिमांनि सैनाय

अ' आंनि सिमांनि सैनाय,
मैआसो बारहांनाय।
दिनैनो मेगन खेबजानाय,
गाबोननो जुलि लाजानाय।
नोंनि महरआनो बिदिथि,
सानाखेमोन आं नोंखौ,
सानदोंमोन आं नोंखौ,
सिमांनिसो सैनाय,
फोजा लांबाइसो नोंनि खानायबिलाय,
मादि महर सारफावनाय स'ना नोंखौ,
नोंनि बर' बिमाआलाय।
मानोथो गोजावखो आंलाय,
मानोथो गलि नांखो आंनि गोसोआलाय,
नोंखौ नुनानैलाय,
अ' सिमांनि सैनायलाय,
सिमांनि सैनायाबो जामारो मोगथानि राणी
दंमारोसै बर' बिमानि जोलै हाजो
हायेन बर'नि बिबारि
बिनि खायनो बर' हारिनि गेजेराव
बिबोयो बायदिसिना गाबनि सिखरि।

मुसि किंक राजा नाजरी
ला:सो: - स'नापुर
जिला - चिरां

रजे नों आंनि

रजे नोंखौ नुनानैनो आंनि गोसोआ बोदोर जाबाय,
नोंखौ दसे नुवाब्लानो आंनि गोसोआ
उसाव बादव जाखाडे।
खेबसे नुनायावनो आं नोंखौ
गोसो गोरबोजों मोजां मोनबाय।
आदा आं नोंखौ जेब्लावो
आंनि खाथियाव थाबाय
थाजानो लुबैयो।
नोंनि अनगा आंहा सिगाडव
रावबो जिउनि असे लोगो गैयामोन,
रजे आं नोंखौनो जेब्लावो
जिउनि मोदाय खालामनानै लानो हास्तायो।

थरायना पुजा बड'सा
ला:सो: - दैमालु नोगोर (बिजनी)
जिला - चिरां

जौनि आंगो गामि

फैलाव हायेन हाजोनि सेरफां
ग्रोम ग्रोम थुरिनि न'।
फैलाव फोथार अरननि सेर
सोमखोर आबादथिलि।
दुगैग्रा गाथोन जिदि दैसानि र्गु
लाइमोन गोबोंनि बेंख'नथिलि।
बेसे हायना सोमखोर मिथिंगा
बेनो जौनि आंगो गामि।

मुसि दैथुन गयारी
गामि - गोदान बरगाव
ला:सो: बेतबारी
जिला - बागसा

सिरि-सिरि

सिरि-सिरि मोथो-मोथो
मोजां मोनबाय आंनों अनजालिखौ।
नाथाय नों मानो अनजालिया मानो बुजिया ?
लाइजाम हरनो सानो - नाथाय गोसोआं
माबा साननानै थाफिननो अनजालि।
पोरमायनो सानो-गोसोआ फोरमायनो हाया
खुगाया गेवा बिखाया गेवो
मानोदि आं नोंखौल' मोजां मोनो अरायबो।
हास्थायबाय थायो आंनि गोसोआ नोंखौल' सना
मोजां मोनोमोन आं बिबार बायदि खानानै लानो
नाथाय मोना खाथियाव नों अनजालिखौ
सिमांआव जाखं फैबाय थायो नों सिरि-सिरि मानोबा।
नोंनो आंखौ खालामबाय जावलिया
मादि माया दड' नोंनि महराव।

मुसि अमर गोरा नाजरी
जिला - चिरां

रंजालि गथ' फोरनि सौरा

रथ'नों..... सोनाब रुबैनि जारौ सिख्ला

अहा.....अहा
गोजा आबिरजों गेलेना,
रुम्बां रिसोम खानायखौ
आरो..... हसार हसार
थाखोमा हैबायल' नों
माखोबा लाजिना,
बै सोनाब रुबैयाव।
फुसब जारौ मोखांखौ
रोमोदो फासोरा रुबैजों
खाखुमुना मिनिलांबायल'
नेयाखिसै नों.....
बै लाबारि सिख्ला
गाथोन फारसेथिं देहुयाव
दै लांनो फेनायखौ।
आरो खोनासं लांबावयाखिसै
नोंनि थाखाय दामनाय
बै गाडिया दैसा सेराव
लावखार गथ'नि मिलौदो
सिफुं सुनायनि देखोखौ।
दंथारोमोन आंहाबो फोरमायनानोंनि आंथि
आरो गोबां बाश्रा,
जुनानै दोन्नाय, गोबोंनि खोथा।
दडमोन गोबांथार जीउनि लाइथुनाव
गारबोनाय दैथुननि रिगि रिगां
गाब गोनां सावगारिनि आगर।
नाथाय फोरमाय लाडाखिसै
दिनैबो नोंनि फेनायनि
थार गुमुनि आंथिखौ,
नांनानैल थालांबाय सोनाब रुबैयाव
नों गेलेलांनाय.....
गोमो गोथां आबिरनि गाबा
आंनि मोदोमाव.....।

सुवास बसुमतारि
कचुगाव(थाल्फाजरा)

अनजालिनि महर

अखाफोर बायदि मिनिस्तु महर,
मुगैबांसिनि आंनिथिं खेबसे नायहर।
अन्नायनि इसारा दंना नोंनि ?
गोसो जायो नोंखौ खालामनो जिउनि।
बिलिफां हरनि मिनिस्तु,
गावदां अखाफोर नों लाजिगुसु।
सोरां होबाय नों आंनि खोमसि गोसोआव
दांदिसेनि बे आंनि लाइमोन जिउआव।
अनसुलि, नों थारैनो समायना
फोजोबनो हाया नोंनि महरखौ गुबुनजों रिजायना।
हास्थायो नोंखौ आंनि सेराव,
सोलि लांनो नोंखौ लाना इयुनि जिउआव।
नाथाय नोंदि थायो सोगां राइज्योआव
जेबो गैया बरायनो नोंखौ आंनि राइज्योआव।

देरहासात ब्रम्प
गामि-सालझार,टिफकाइ

हागोन दा आं?

महात्मा, चीलाराय, देतसुं, आरो कनकलता-
आरोबाव जोबनो गैये मुंखलंफोर,
गोमालांबाय नोंसोरो नाथाय दाबोनो
रोखा नोंसोरनि महर आरो मुं;
आंबो जानो लुबैयो मुंखलं।
खालाम लांनो लुबैयो आं;
जिउआव माबा मोनसे.....
नेरसोन गालांनो हानायनि;
मोनसे मुंदांखा खामफा लुनानै,
आंनि मुं, आरो आंनि गोसो-
आरोबाव रेबगनजों लिरलांनाय,
माखासे सनानि हाखोजों रोखायै।

मोजां मोन्नायनि जारिमिनखौबो
हागोनदा आं गालांनो ?
डान्ते-बियेट्रिछ, लयला- मजनु,
आरोबाव सबिती-सत्यबानबादि!
नाथाय.....
हागोन दा आं बे बुहुम बिखायाव थानानै ?
बे थिफिलं जिउखौ लानानै,
बे लोरबां सोलौंथायखौ लानानै,
हागोनखि हाया, मोनगोन ना मोना
गोसोआव.....
हागोनबो खोमा आं
सोरिनिबा थुलुंगानाय मोन्नाय मोनब्ला।

गोसो जायो थेवबो सोलु सोनो
गेदेमाफोरनाव आरो इसोरनाव।
जेखियानो जाथों नाथाय-
आं दावगालांबाय थागोन,
जेब्लासिम आं थांखिआव सहैया,
सोलौंबाय थागोन आं,
जेब्लाहालागैसिम आं रोड।
आंनि खन्थाइनि फिन्नायखौ
जेब्लासिम आं मोनदाख।

हावरियाब्लाबो लागोन आं.....
सोलौंथाय-
मावलांगोन आं थादनाय नडा,
जेब्लासिमलागै आंनि थैया गुदुडै थागोन।
आंनि आखाय-आथिं सोलिजासे,
नाथाय गसाइ हागोनदा आं ?

थरायना अनजना देबि उपाध्याय
गामि- नाराबारि, ककराझार

हाब्रानि बारफुनाय मान्दार बिबार

अन्जालि आंनि गोबोंनि
दाव मैना।
मोजां मोन्दोंमोन सना
आं नोंखौनो,
बावजोबदोंमोन सना आंनि
गोबों- बिखा गासिबो नोंनोने,
होदोंमोन नोंनोने हाजासे अन्नाय।
एँ अन्जालि नों मानो
एसेबो सान्ना नायदिया सना,
एसेबो अन्नाय गैला नामा
नोंहा अन्जालि ?
हाबाब सना माबोंरै
नागारनो हाबावनो आं
नों अन्जालिखौ।

मोजां मोन्दोंमोन सना
गोबोंजों आं नोंखौ
नडामोन सना आंनि नोंखौ
मोजां मोन्नाया नंखाय।
थेर- बेथेर खालामलांबाय सना
नों आंनि गोबों बिखा।
बुजिदोंना बुजियाखेमोन नों
आंनि अन्नायखौ,
नाथाय सना मोजां मोन्नाया
नंखाय नडामोन।

मुसि फुलुं लाहारी
ककराझार
गामि-निउ आमगुरि

ज' बाइडेन आरो कमला हेरिसखौ टाइम मेगाजिननि पार्सन अफ दा इयार 2020 नि थाखाय सायख 'दो'

वासिंटेन, 11 डिसेम्बर : आमेरिकानि गोदान हादतगिरि ज' बाइडेन आरो लेडाइ हादतगिरि कमला हेरिसनो मुंदांखा हारिमायारि टाइम मेगाजिननि गेजेरजो 2020 नि थाखाय पार्सन अफ दा इयारनि बिजाबजो सम्मान होदो। थांनय बोसोराव 16 बोसोर बोथोर सोलायनारनि हाबाफारिखौ मावनाय ग्रेटर थनबर्गनो टाइमनि गेजेरजो पार्सन अफ दा इयारनि बिजाबजो सम्मान होदोमोन। बाइडेन आरो कमला हेरिसआ 7 नभेम्बरआव आमेरिकानि बिसायख 'थिखौ देरहानाने जारिभिनखौ सोरजिदोमोन। बिसेरो डनाल्ड ट्रम्पखौ फेजेन्दोमोन। बाइडेनखौ पेन्सिलभेनियाआव देरहानायखौ



थिसन्याय लोगो लोगोनो आमेरिकानि गोदान हादतगिरि सायख 'नाय जादोमोन। टाइम मेगाजिननि एडिटर इन चीफ एडवार्ड फेलसेन्थलाआ बुंदो, आमेरिकानि थासादि सोलायनो

थाखाय आरो गावसा होग्रा एजेन्डानिफ्राय बांसिन हेफाजाब होग्रा गोहो दिन्थिनारनि थाखाय ज' बाइडेन आरो कमला हेरिसखौ टाइम 2020 नि पार्सन अफ दा इयार

सायख 'नाय जादो। मख 'नो गोनादि, 2016 आव गाहाय मन्थि मदिआ टाइम मेगाजिननि पार्सन अफ दा इयार बिजाबनि थाखाय अनलाइन रीडार्स पलआव देरहासार जानो हादोमोन। पिएम मदिनो गोबां अन्जिमायाव भारतीयफोरोबो भट होदोमोन। बिनि बादायलायनाया माखासे हादतफोरनि गाहाय देदेनगिरिफोरजो लोगोसे माखासे गाहाय फावगिरिफोरजोमोन। टाइम मेगाजिनआ डनाल्ड ट्रम्पखौ 'पार्सन अफ दा इयार' सायख 'दोमोन।

एलअसियाव भारतीय सान्थिनि फिन जाथाय होनायाव पाकनि सा 5 सान्थिफोर थैदो

गोदान दिल्ली, 11 डिसेम्बर : पाकिस्ताननिफ्राय एलअसियाव फायारि खालामबाय थारो। बृहस्पतिबार सानजौफुनिफ्राय जागाय जेन्नाय फायारि खालामनाय शुरुबार फुंसिम सोलिदोमोन। भारतीय सान्थिया पाकिस्ताननि बेबादि आखु दिन्थिनारनि गोखो फिन जाथाय होदो। भारतीय सान्थिफोरनि फिन जाथाय होनायाव पाकिस्ताननि सा 5 सान्थिफोरा थैदो आरो सा 3 सान्थिफोरा जोखोम जादो। पाकआ फायारि खालामनाय समाव गिदिर गिदिर हाथियारफोर आरो मर्तोरखौबो बाहायदो। थांनय बृहस्पतिबार हराव फायारि खालामनायनि



मिरुआ जम्मु-काश्मीरनि पुन्थ सेक्टरावमोन। भारतीय सान्थिनि बिबानगिरिआ बुंदो पाकआ हरखाबै फायारि खालामदो। बिबो सुबुंफोर थाग्रा ओन्सोलखौ टारगेट खालामनो गोसो जादो। मानकट सेक्टरयाव बर्यनिखुइबो बांसिन फायारि खालामनाय जादो। सुबुंफोरनि माखासे दोहोन सम्पतियाबो ख 'हा जादो। दरनेबो

हादतफोरनि गेजेराव 1999 याव दावहा दोन्थ 'नायखौ लानाने रादाय खानाय जादोमोन। पाकिस्तानया जेब्लाबो दावहा दोन्थ 'नायखौ सिफायबाय थारो। बे बोसोराव 3200 खेब दावहा दोन्थ 'नायखौ सिफायदो। बेवहाय सा 30 नोगोरारिफोरा थैदो जेराव सा 100 निफ्राय बांसिन जोखोम जादो।

इमरान खान सरकारा उतरखारि गाग्लोबनायनि सांग्रांथि होदो

इस्लामाबाद, 11 डिसेम्बर : पाकिस्ताननि इमरान सरकारआ बेरेखा दोलोनि हेंथा धर्ना होनायखौ गिखानाने उतरखारि गाग्लोबनायनि सांग्रांथि होदो। 11 था बेरेखा दोलोनि जुथाय फसंथान पाकिस्तान डेमोक्रेटिक मुभमेन्ट (पिडिएम) आ लाहरयाव 13 डिसेम्बरयाव रेलि खालामगोन। बेखौ होबथानाय थांखियै



सरकारआ सांग्रांथि होनाने बुंदो, होबथा जानाय फसंथान तहरीक-ए-तालिबान पाकिस्तान (टिटिपि) उतरखारिया गाग्लोबनो हागो। पाकिस्ताननि उतरखारि होबथाग्रा फसंथानआ फोरमायदोदि, उतरखारि गाग्लोबनाया हादतनि जायखि जाया जायगायाव जानो हागो। पाक सरकारआ बुंदो, टिटिपिआ लाहर आरो जुथाय पाटिखौ थांखिनो हागो। एनएसिटीएआ बुंदो अगुयावनो उतरखारि यजनाखौ फेलें खालामनाय जादोमोन। बेनि थाखायनो गोसो बायगिलनाय टिटिपिआ फिन गाग्लोबनो नाजानो हागो। लोगोसेनो धर्ना होनायनि थाखाय फुलप्रुफ नोजोर होनायजो लोगोसे गोखो रैखाथि राहानि बोसोनखौबो होनाय जादो। बेनि सिगां पाकनि गाहाय मन्थि इमरान खानआ करना भाइरास गोसारनायखौ होबथानो नाजानायव सरकारनि हेंथा रेलि खालामनायखौ दोन्थ 'नो थाखाय पिडिएमनाव आर'ज गावदोमोन। बेरेखा दोलोला लाहरआव 13 डिसेम्बरनि रेलि खालामनायखौ बोखाना लाफिनो सरकारनि आर 'ज गावनायखौ नेवसिगारदोमोन।

फेसबुकआ केसयाव जेनब्ला हवाटसएप आरो इनस्टाग्रामखौ फान्नांनो हागौ

निउयर्क, 11 डिसेम्बर : फेसबुकआ मेसेजिं एप हवाटसएप आरो फट' सेयारि एप इनस्टाग्रामखौ फान्नांनो हागौ। मख 'नो गोनादि, फेसबुक सायाव बाजारनि बादायलायनायखौ फोजोबनो थाखाय गावनि गोहोखौ आयेननि बेरेखायै बाहायनायनि दाय जाबसिन्दो आरो बेनि सायाव केस थिसन्दो। जुदि फेसबुकआ बे केसयाव जेनब्ला हवाटसएप आरो इनस्टाग्रामखौ फान्नांनो हागौ। आमेरिकयाव एफटिसिआव फेसबुक सायाव लेन्डमार्क एन्ट्रिस्टनि गेजेरजो केस थिसन्दो। बेवहाय फेसबुक सायाव दाय जाबसिन्नाय



जादोदि, बिबो गावनि बादायारिखौ बायनाने ससियेल नेटवार्किनि मुलुगयाव गावनि गोहोखौल' दिन्थिनो गोसो

जादो। फेसबुकआ मेसेजिं एप हवाटसएप आरो फट' सेयारि एप इनस्टाग्रामखौ बायनो थाखाय गोबां रांखौ

बाहायदोमोन। कम्पानोआ 2012 याव इनस्टाग्रामखौ 6362 कौटि राडव आरो 2014 याव हवाटसएपखौ 1.65 लाख कौटि राडव बायदोमोन। फेसबुकखौ रान्नांनो हागो। एफटिसिआ गावनि अजद लाइयाव बुंदो, गिबियावबो फेसबुकनि बे रादाय खानायनि केसआ सामलायगिरिनि सिगाडव फैदोमोन। नाथाय बे समाव रादाय-खानायखौ थांखि लानाय जादोमोन। नाथाय उनाव मोनथिनो मोन्दोदि, बे रादाय खानाया बाजारनि गाहामे बादायलायनायनि थाखाय खैफोद गोनां। अजद लाइयाव बुंदो फेसबुकआ गावनि फालांगिखौ मोने बाहागोयाव राननांगो।

डिआरडिअनि गोदान मेसिन गानखौ रैखाथि मावख 'या ट्रायेल नायदो



गोदान दिल्ली, 11 डिसेम्बर : डिआरडिअनि डिजाइन खालामनाय साब मेसिन गानआ रैखाथि मावख 'नि ट्रायेल नायनायाव पास जाबाय। बे गानखौ सान्थि, पुलिस आरो आर्म्ड फर्सजयाव जगायना होनाय जागोन। 5.56*30 मि.मि. नि बे गानआ सेमि अटमेटिक आरो बेयो गेसजो सोलिगोन। बेयो 1 मिनिटयाव 700 राडव फायर खालामगोन। साब-मेसिन गानजो 100 मिटरनिफ्राय बांसिन गोजानसिन थांखिनो हागोन। बे गाननि लिरथाया 3 कि:ग्रा:। बे गानखौ आखाय थायसे जोबो गावहरनो हागोन। बे गानखौ नख 'रारि मावख 'या गिबियावनो गनायथि होखांबाय।

मुलुगआव भारतआ बयनिखुइ बांसिन हाथियार बायो

गोदान दिल्ली, 11 डिसेम्बर : भारतआ मुलुगआव बयनिखुइबो बांसिन हाथियार (1990-2019)खौ बायो। हाथियार बायनायनि केसआव चीनआ नैथि नम्बरआव दड आरो बेनि उनाव सौदि आरबआ दड। फार्सेथि हाथियारफोर दैथाय हरनायनि केसआव भारतआ 38 थि नम्बरआव दड। भारतनिफ्राय प्यानमार, श्रीलंका आरो मरिसास बायदि बायदि हादतफोरा हाथियारखौ बायो। फार्सेथि आमेरिकया मुलुगानो बयनिखुइबो बांसिन हाथियारखौ साप्लाइ खालामो। हाथियारफोरखौ गुबुन हादतआव दैथाय हरनायनि केसआव रुसआ नैथि नम्बरआ दड। स्टकहम इन्टारनेसनेल पीस रिसार्च इन्स्टिटुट (सिपरो) नि रिपर्टजो बे बाश्राफोरखौ मोनथिनाय जादो। 2015-2019 नि गेजेराव भारतनि रैखाथि गोनांथिखौ पुरा खालामनायाव रुसनि गिदिर बिहोमा दड। रुसआ भारतनो



58 जौखोन्दो हाथियारफोरखौ दैथाय हरदो। जेराव 2010-14 नि गेजेराव बेयो 72 जौखोन्दोमोन। 2014 निफ्राय 2019 नि गेजेराव इज्राइल आरो फ्रान्सआ भारतनो गावसोरनि हाथियारफोरखौ दैथाय

हरनायखौ बांहोदो। आथिखालाव भारतीयआ गुबुन हादतनिफ्राय लाबोफिनयाव रुसनि बाहागोआव फैगो 5 बोसोरनि समाव गोखैयै बांनो हागो, मानोना भारतआ बावैसो समाव माखासे गिदिर रैखाथि

रादाय खानायनि सायाव मुंसायनाय जादो आरो माखासेआ लाइफ लाइनआव दड। मु लु ग न। डै आमेरिकानि हाथियारफोरखौ गुबुन हादतआव दैथायहरनायव

36 जौखोन्दो बाहागोआव दड। 2015 निफ्राय 2019 नि समाव आमेरिकया 96 हादतफोरनो हाथियारखौ दैथाय हरदो। आमेरिकया बांसि हाथियारफोरखौ गेजेर एसिया आरो लैथोमा हादतफोरनो दैथाय हरदो। 2019 आव भारत आरो चीननि सान्थि हान्जानि खरसा जानाया एसियाव बयनिखुइबो बांसिन जादो। मुलुगनाडै सान्थि हान्जानि खरसा जानायनि केसआव दरनेबो हादतआ नैथि आरो 3थि नम्बरआव दड। चीननि सान्थि हान्जानि खरसा जानाया 2019 आव 261 मिलियन डलारसिम सौहेदो। 2018 नि रुजुनायाव बेवहाय 5.1 जौखोन्दोआ बांदो। भारतनि 2019 आव सान्थि हान्जानि खरसा खालामनाया बांनाने 71.1 बिलियन डलार जादो, जाय 2018 नि रुजुनायाव 6.8 जौखोन्दोनिफ्राय बांसिन जादोमोन।

आबादारि धर्ना होनायखौ आन्ना हाजारेआ हेफाजाब होदो



आहमेदाबाद, 11 डिसेम्बर : समाजयारि मावसुमा आन्ना हाजारेआ बृहस्पतिबारआ आबादारिनि हे था धर्ना होनायखौ हेफाजाब होदो आरो मिरु सरकारखौ सांग्रांथि होदोदि, जुदि आबादारिफोरनि दाबि दैखां नायखौ

बेबादि नायनो गोसो जादो। मख 'नो गोनादि, थांनय माखासे सानफोराव पान्जाबनि रोजा रोजा आबादारिफोरा मोनथाम गोदान आबाद आयेनखौ हेंथा होदो। मानोना बिसेरो हमदांनो लादोदि, गावयारि बिथिनि गेजेरजो गावसोरनि आबादखौ खम बेसेनयाव बायनो थाखाय गावसोरखौ गादबनो हागो। मानेबा हादतयाव आबादारिनि हेंथायै आयेनखौ गनायथि होनो हाया। जुदि सरकारा बेबादि खालामब्ला बेनि हेंथायै धर्ना होनाया गोनांथार। गुबुन फार्सेथिजाय सिन्धु बर्दारियाव धर्ना होनाय आबादारिफोरा फिन खनसेबाव भारत सरकारनो सांग्रांथि होदो। आबादारि दैदेनगिरिआ बुंदो, पान्जाबयाव टल प्लाजा, मल, रिलायेन्सनि पाम्प, बिजेपि दैदेनगिरिनि मावख 'आनो न'नि मोखाडव धर्ना होगोन। बेनि अनगायै 14 डिसेम्बरआ पान्जाबनि गासिबो डिसि अफिसफोरनि बाइजोयाव धर्ना होगोन।

